

Broj: 01.05.1-059-2991/18

Sarajevo, 22.10.2018.godine

DRUŠTVA ZA OSIGURANJE – SVIMA

- **DIREKTORU**

PODRUŽNICE DRUŠTAVA ZA OSIGURANJE – SVIMA

- **DIREKTORU**

PREDMET: PROVOĐENJE POSTUPKA E-AUKCIJE U OBLASTI AUTOODGOVORNOSTI

Agencija za nadzor osiguranja Federacije Bosne i Hercegovine (u daljem tekstu: Agencija za nadzor) kao regulatorno i nadzorno tijelo uspostavljeno na temelju zakona u cilju zaštite osiguranika i osiguravača, a na dobrobit industrije osiguranja, u proteklom periodu, po službenoj dužnosti i po prijavama, provodila je postupak vanrednog nadzora osiguravajućih društava u cilju utvrđivanja zakonitog postupanja u primjeni Premijskog sistema X-AO za osiguranje od autoodgovornosti (u daljem tekstu: Premijski sistem X-AO).

U zakonom propisanom postupku Agencija za nadzor utvrdila je da pojedina društva za osiguranje učestvujući u postupcima e-aukcije postupaju suprotno Premijskom sistemu X-AO i sukladno svojim ovlastima utvrdila je odgovarajuće mjere propisane Zakonom o osiguranju („Službene novine FBiH“, broj 23/17).

Agencija za nadzor podsjeća da je Zakonom o osiguranju od odgovornosti za motorna vozila i ostale odredbe o obveznom osiguranju od odgovornosti („Službene novine Federacije BiH“, broj: 24/05) uređeno osiguranje od odgovornosti za motorna vozila. Prema odredbama istog, društva za osiguranje koja se bave obveznim osiguranjem od odgovornosti donose i primjenjuju zajedničke uvjete i premijski sistem sa jedinstvenim osnovicama dijela premije za naknadu štete.

Sva društva za osiguranje koja posluju na teritoriju Federacije Bosne i Hercegovine prihvatila su Premijski sistem X-AO koji je donio Upravni odbor Biroa osiguranja Bosne i Hercegovine 20.07.1998. godine i Uvjete osiguranja od automobilske odgovornosti Biroa osiguranja Bosne i Hercegovine od 30.08.1995. godine.

Prema Premijskom sistemu X-AO premija se utvrđuje s obzirom na:

- Vrstu i namjenu vozila,
- Tehničke karakteristike vozila (snagu motora, nosivost, radnu zapreminu motora, broj registriranih mjesta u vozilu, broj zaposlenih osoba u radionici),

- Promjenu cijena,
- Jedinicu za zoniranje u kojoj je vozilo registrirano (zonu rizika), odnosno u kojoj je sjedište, boravište ili prebivalište osiguranika, ako se vozilo registrira,
- Oblik osiguranja,
- Vrstu pokrića,
- Opseg pokrića,
- Broj prijavljenih šteta odnosno tehnički rezultat,
- Trajanje osiguranja,
- Druge osnove kako je naznačeno u Premijskom sistemu X-AO.

Glavom III Premijskog sistema X-AO propisane su odredbe o premijskim stepenima, zavisno od toga da li je u proteklom razdoblju posmatranja osiguranik imao prijavljene štete.

Glavom X Premijskog sistema X-AO propisuju se:

- početna osnovica za obračun jedinstvene funkcionalne premije automobilske odgovornosti,
- početne osnovice za zone rizika,
- razvrstavanje vozila po premijskim grupama, određivanje premije po premijskim grupama,
- doplatci i popusti.


Prema navedenim odredbama Premijskog sistema X-AO precizno je utvrđena osnovica za obračun jedinstvene funkcionalne premije automobilske odgovornosti kao i doplatci i popusti.

Zbog navedenog u postupcima javnih nabavki kriterij za dodjelu ugovora ne može biti najniža cijena jer društva za osiguranje kao potencijalni ponuđači postupajući po Premijskom sistemu X-AO moraju nuditi iste cijene za određeno vozilo.

Shodno navedenom u postupcima javnih nabavki osiguranja od odgovornosti za motorna vozila nije moguće korištenje e-aukcije.

Svakim nuđenjem cijena za osiguranje od odgovornosti za motorna vozila suprotno Premijskom sistemu X-AO društva za osiguranje koja posluju na teritoriju Federacije Bosne i Hercegovine čine prekršaj propisan Zakonom o osiguranju za koji je propisana novčana kazna od 50.000,00 KM do 200.000,00 KM za društvo za osiguranje i novčana kazna od 5.000,00 KM do 20.000,00 KM za odgovornu osobu društva za osiguranje.

U slučaju postupanja u postupku e - aukcije suprotno Premijskom sistemu X-AO, Agencija za nadzor će, nakon provedenog postupka, pored izdavanja prekršajnog naloga, koristiti i ovlaštenja iz člana 153. točka c) Zakona o osiguranju - oduzimanje odobrenja za obavljanje pojedinih vrsta osiguranja na određeno ili neodređeno vrijeme, kao i ovlaštenja iz člana 39. tč. d) i e) Zakona o osiguranju.



DIREKTOR

Dirko Musulin